
“ЯНГИ ЎЗБЕКИСТОН – ЯНГИ САЙЛОВЛАР” МИЛЛИЙ АКЦИЯСИ КҮТАРИНКИ КАЙФИЯТДА ЎТКАЗИЛДИ

Барчамизга маълумки, жорий йилнинг 22-декабрь куни мамлакатимиз ҳаётида муҳим воқелик – Ўзбекистон Республикаси Олий Мажлиси Қонунчилик палатаси ҳамда Халқ депутатлари вилоят ва шаҳар Кенгашларига сайловлар бўлиб ўтади. “Янги Ўзбекистон – янги сайловлар” шиори остида ҳалқаро стандартларга мувофиқ, янгича ўзгаришларга бой тарзда ўтказилиши белгиланган бу йилги сайловлар мамлакатимизни ривожлантиришнинг бешта муҳим устувор йўналиши бўйича Ҳаракатлар стратегиясида ўз ифодасини топган илғор демократик ғояларнинг амалдаги яна бир ёрқин ифодаси бўлиши шубҳасиз. Мазкур муҳим сиёсий жараён олдидан бутун вилоятимизда бўлгани каби бугун шаҳримиздаги 8-сонли Болалар мусиқа санъат мактабида ҳам “Юксалиш” умуммиллий ҳаракати худудий бўлинмаси ҳамда шаҳар ҳокимлиги ташабbusи билан “Янги Ўзбекистон – янги сайловлар” миллий акцияси бўлиб ўтди. Тадбирни Ўзбекистон Халқ демократик партияси шаҳар Кенгashi раиси Муҳаммаджон Мирзаев, Ўзбекистон ёшлар иттифоқи шаҳар кенгаси раиси Фахриддин Раҳимжоновлар кириш сўзи билан очиб, мамлакатимизда мустақиллик йилларида фуқароларнинг сайлов ҳуқуқи ва эркинликларини таъминлаш, миллий сайлов қонунчилиги ва амалиётини умумеътироф этилган ҳалқаро стандартларга мувофиқ ҳолда изчил ривожлантириш ҳамда шакллантириш соҳасида катта тажриба тўплангандини алоҳида эътироф этиб ўтдилар. Дарҳақиқат, бугунги кунда мамлакатимизда сиёсий-ижтимоий, иқтисодий вазият бирмунча ўзгарди, янги ислоҳотлар даври келди. Шу кунларда республикамизнинг барча худудларида, хусусан шаҳримизда ҳам мазкур сиёсий жараёнга қизғин ҳозирлик кўрилмоқда. Муҳими, ҳалқимизнинг кайфияти кўтаринки, тадбир давомида шаҳримиздаги Мусиқали мақом театрининг соҳирнафас хонандалари ҳамда 8-сонли Болалар мусиқа ва санъат мактабининг истеъдодли ўқувчилари томонидан жонли ижрода жаранг сочган дилрабо куй-қўшиқлар оҳанги йиғилганлар кўнглига янада хушнудлик улашди.

2019-12-14 18:24:26